



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბელოუსოვა თამარ ვასილის ასული

ბელოუსოვა თამარ ვასილის ასული (7. VIII. 1924, ოდესა, – 31. I. 2013, თბილისი), რუსი მსახიობი. საქართვე. სახ. არტისტი (1966).

დაამთავრა თბილ. კინოსტუდიის კინომსახიობთა სკოლა (1944). 1944–46 იყო სოხ. რუს. დრამ. თეატრის მსახიობი, 1946-იდან – თბილ. ა. გრიბოედოვის სახ. რუს. დრამ. თეატრის წამყვანი მსახიობი. შესრულებული აქვს როლები: ნინა (მ. ლერმონტოვის „მასკარადი“), ბეატრიჩე (კ. გოლდონის „ორი ბატონის მსახური“), გლაფირა (ა. ოსტროვსკის „მგლები და ცხვრები“), სოფია (ა. გრიბოედოვის „ვაი ჭკუისაგან“), დიანა (ლოპე დე ვეგას „ძალღი თივაზე“), პროტასოვა (ლ. ტოლსტოის „ცოცხალი ლეში“), ოლგა (კ. სიმონოვის „ასეც იქნება“), ლენოჩკა (ვ. როზოვის „სიხარულის ძიებაში“), ქეთო (ო. ჩიკაძის „თხუნელა“), დედოფალი ანა (ო. სკრიბის „ჭიქა წყალი“), ვარვარა კარპოვნა (კ. ბუაჩიძის „ეზოში ავი ძაღლია“), ირმა ვუნდი (ლ. შეინინის „წესგარეშე თამაში“), კატია დოცენკო (ა. შტეინის „ვიოლინოს საგაზაფხულო მელოდოები“), ლედი მილფორდი (ფ. შილერის „ვერაგობა და სიყვარული“), ელენა (ლ. მიტროფანოვის „გულები უნდა იწვოდნენ“) და სხვ.

შ. ცუცქერიძე
